

LUTRIJA BOSNE I HERCEGOVINE d.o.o.
UPRAVNI ODBOR

Na osnovu člana 16. Zakona o igrama na sreću („Službene novine FBiH“, br.1/02. i 40/10.) i člana 13. Statuta Lutrije Bosne i Hercegovine d.o.o. Sarajevo („Službene novine FBiH“, br.43/03.), Upravni odbor Lutrije Bosne i Hercegovine, na sjednici održanoj dana 18.12.2012. godine, donio je

P R A V I L A
robno - novčane srećke “PUTOVANJA”

1. OPŠTE ODREDBE

Član 1.

Ovim se Pravilima propisuju uslovi za priređivanje robno-novčane srećke “PUTOVANJA” (u daljem tekstu: srećka).

Član 2.

Ova pravila su isključivi zakonski i pravni osnov za zaključivanje ugovora o učestvovanju u igri robno - novčane srećke “PUTOVANJA”.

Ugovor iz stava 1. ovog člana zaključuje se između Lutrije Bosne i Hercegovine d.o.o. (u daljem tekstu: Priređivač) i učesnika u igri na osnovu prihvata opštih uslova propisanih i sadržanih u ovim Pravilima, po slobodno izraženoj volji učesnika, činom kupovine srećke.

Ova Pravila obavezuju ugovorne strane.

2. NAZIV I VRIJEME TRAJANJA IGRE

Član 3.

Robno-novčana srećka „PUTOVANJA“ je igra na sreću sa unaprijed utvrđenom visinom fonda dobitaka, u kojoj učesnik skidanjem emulzije sa polja označenog natpisom „OGREBI“ saznaje rezultat igre koji je otisnut u prostoru za označavanje dobitka.

Član 4.

Rok prodaje srećke otisnut je na poledini srećke.

Rok prodaje srećke može se produžiti odlukom generalnog direktora Priređivača.

Odluku o puštanju u prodaju svake od serija donosi generalni direktor Priređivača i ista će se objaviti u jednoj od dnevnih novina.

3. USLOVI ZA UČEŠĆE U IGRI

Član 5.

Učesnikom u igri smatra se osoba koja je s Priređivačem zaključila ugovor iz člana 2. ovih Pravila, uz dokaz da posjeduje srećku (u svemu u skladu sa članom 10. ovih Pravila).

Srećka glasi na donosioca.

4. PODRUČJE PRIREĐIVANJA IGRE

Član 6.

Srećka se priređuje na području Federacije Bosne i Hercegovine.

5. POJEDINAČNA CIJENA SREĆKE

Član 7.

Cijena jedne srećke je 1,00 KM.

6. KOLIČINA I NOVČANA VRIJEDNOST EMISIJE SREĆKE

Član 8.

Srećka se emituje u serijama. Jedna serija sadrži 500.000 (petsto hiljada) komada srećki. Novčana vrijednost emisije srećki iznosi 500.000,00 KM (petsto hiljada konvertibilnih maraka). Odluku o broju serija donosi generalni direktor Priređivača.

7. VISINA FONDA I VRSTE DOBITAKA

Član 9.

Fond dobitaka iznosi 61% od emisione vrijednosti, ili 305.000,00 KM, a iznos se dijeli na 143.276 novčanih dobitaka.

Priređivač iz fonda neisplaćenih dobitaka obezbjeđuje i 4 dodatne robne nagrade pod nazivom PUTOVANJE, u ukupnoj vrijednosti od 20.000 KM, odnosno 4 pojedinačna dobitka u vrijednosti od po 5.000 KM, sa plaćenim porezom na dobitak.

Robni dobitci se sastoje od Putovanja po želji dobitnika u vrijednosti od 4.000 KM i džeparca u iznosu od 1.000 KM.

Fond novčanih dobitaka serije se raspoređuje po slijedećem planu:

Komada	Dobitci	Iznos
1 x	5.000,00 KM	5.000,00 KM
25 x	1.000,00 KM	25.000,00 KM
250 x	100,00 KM	25.000,00 KM
500 x	50,00 KM	25.000,00 KM
2.500 x	10,00 KM	25.000,00 KM
10.000 x	4,00 KM	40.000,00 KM
30.000 x	2,00 KM	60.000,00 KM
100.000 x	1,00 KM	100.000,00 KM
143.276		305.000,00 KM

Fond robnih dobitaka serije se raspoređuje po slijedećem planu:

Komada	Dobitci	Iznos
4 x	5.000,00 KM	20.000,00 KM

8. OPIS SREĆKE

Član 10.

Srećke su pravougaonog oblika. Štampane su u 10 varijacija.

Prednja strana srećke sadrži:

Naziv srećke „PUTOVANJA“, sliku jedne od slijedećih deset znamenitosti (Partenon - Atina, Tower Bridge - London, Canal Grande – Venecija, Neues Rathaus - Hanover, Ajfelov toranj - Pariz, Brandenbuška kapija - Berlin, dvorac Hradčani - Prag, Koloseum - Rim, Retiro park - Madrid i Djevojačka kula - Istanbul), logo Lutrije Bosne i Hercegovine, logo „pola sreće drugima“, cijenu srećke, jedno polje prekriveno sivom scratch off emulzijom sa natpisom „OGREBI“ ispod kojeg je otisnut iznos robnih dobitaka, ili novčanih dobitaka, ili ispis „BEZ DOBITKA“, polje sa uplatnom šifrom u brojčanoj i bar kod formi, polje prekriveno emulzijom sa natpisom „NE SKIDAJ“, ime prikazane turističke destinacije sa slike i 2 reda teksta koji daje kratak opis te konkretne turističke destinacije.

Poledina srećke sadrži:

Logo Lutrije Bosne i Hercegovine, logo „Srećke na dohvat ruke“, tekst:

NOVČANI DOBITAK: Ostvaruje se kada se nakon skidanja zaštitne emulzije sa polja „OGREBI“ otkrije neki od dobitka navedenih u planu dobitaka.

ROBNI DOBITAK: Ostvaruje se kada se nakon skidanja zaštitne emulzije sa polja „OGREBI“ otkrije tekst „osvojili ste PUTOVANJE“. Ovaj dobitak se isplaćuje iz fonda neisplaćenih dobitaka.

SREĆKA JE NEVAŽEĆA AKO JE OŠTEĆEN DIO EMULZIJE SA NATPISOM „NE SKIDAJ“.

EMISIJA 500.000 SREĆAKA.

EMISIONA VRIJEDNOST 500.000,00 KM.

FOND DOBITAKA iznosi 61% od emisione vrijednosti ili 305.000 KM.

PLAN NOVČANIH I ROBNIH DOBITAKA (u skladu sa članom 9. Pravila).

PRIREĐIVAČ: Lutrija BiH d.o.o, Ul. Mehmeda Spahe 11., 71000 Sarajevo.

Datum prodaje do otisnut na srećki.

Tekst „Priređivač zadržava pravo produženja roka prodaje“

Podaci o dobitniku: Ime i prezime, Adresa, JMB.

9. UTVRĐIVANJE DOBITAKA

Član 11.

Igrač utvrđuje dobitak skidanjem emulzije sa polja na kojem je ispisan natpis „OGREBI“. Ukoliko se nakon skidanja zaštitne emulzije sa polja „OGREBI“ otkrije ispisan novčani iznos iz plana dobitaka igrač ostvaruje dobitak u visini ispisanog iznosa. Ukoliko se nakon skidanja zaštitne emulzije otkrije ispis „osvojili ste PUTOVANJE“ igrač ostvaruje dobitak PUTOVANJE predviđen u fondu dobitaka robnih nagrada.

Igrač u igri nije dužan uzeti srećku na kojoj su vidljivi znaci oštećenja.

10. NAČIN I ROK ISPLATE NOVČANIH DOBITAKA

Član 12.

Pri isplati dobitaka učesnik je dužan predati Priređivaču dobitnu srećku.

Dobitna srećka je ona srećka koja sadrži navedene elemente u članu 10. ovih Pravila, tako da se može nedvojbeno utvrditi dobitak.

Dobitke isplaćuju: prodajna mjesta ili blagajna Lutrije BiH.

Dobitak PUTOVANJE se realizuje na blagajni Lutrije BiH.

Član 13.

Porez na novčani dobitak plaća učesnik koji je ostvario dobitak na srećki. Priređivač će obustaviti i uplatiti porez na dobitak u skladu sa Zakonom.

Porez na robni dobitak PUTOVANJE, snosi priređivač na teret vlastitih sredstava.

Član 14.

Pravo na naplatu dobitka zastarijeva po isteku roka od 30 dana od zadnjeg dana određenog za prodaju srećke od strane Priređivača.

Član 15.

Priređivač ne snosi odgovornost za srećke koje su na bilo koji način nestale, ili oštećene u toku prodaje, u kojem slučaju se smatra da je prodavač ili zastupnik kupio sve srećke za koje tvrdi da su nestale, ukradene, izgubljene ili oštećene.

Član 16.

Ispod emulzije na kojoj je napisano "NE SKIDAJ" se nalazi šifra. Priređivač čuva tajnost šifre.

11. NAČIN UPOZNAVANJA UČESNIKA U IGRI S OVIM PRAVILIMA

Član 17.

Ova Pravila nalaze se na svim prodajnim mjestima i na web stranici Priređivača. Osobama zainteresiranim za sudjelovanje u igri Priređivač je dužan omogućiti upoznavanje s ovim Pravilima, odnosno dati ih na uvid.

12. PRELAZNE I ZAVRŠNE ODREDBE

Član 18.

Za rješavanje eventualnih sporova, proisteklih iz učešća u igri na sreću, nadležan je Općinski sud u Sarajevu.

Član 19.

Ova Pravila stupaju na snagu danom donošenja, a primjenjivaće se puštanjem u prodaju 1. serije srećke i ista će se objaviti u jednoj od dnevnih novina.

Broj:01-10-2028-4-3-MM/12.

Dana: 18.12.2012. godine

P R E D S J E N I C A

Ivana Bunoza, s.r.